

太上道德經解序

夫至人能爲至文至文卽寓至理維我

太上至哉人乎伏讀尊經至哉文乎而解人不易索正恐至理之終晦也乃或有謁殿而陳曰神寶道德經自漢迄今名公鉅卿文人學士注釋累數百餘家編在道藏各抒所見均爲尊經之補雖樹論不同而未始不羽翼乎道統也余曰然至理至文必須至解諸家之解亦云解矣而非至也解其所解尙非道德尊經之本解也卽非吾之所謂至解也一日

玉清內相孚佑帝君來訪余袖出尊經注釋余披而細閱之知爲

道藏輯要

道德經解

一

心集一

八洞仙祖闡揚奧旨不離乎道不泥乎道就文解意淺近無非高深俾千萬世後能領畧此尊經者以之爲己則順而祥以之爲人則愛而公以之爲天下國家無所處而不當而合綱仙譜卒亦莫能踰越其範圍其解乃至解也以至文而得至解斯至理不終晦而至人日益尊吾旣佩服乎至文吾尤愛慕乎至解也猶憶曩時與

呂帝同訂天經改訛正誤筆削俱出

呂帝手而余第總其成固知

呂帝誠屬仙才而今又閱羣才之注則信乎仙才之筆非塵凡之所得比並而至文賴之以明至理緣之以發洩也九天開化

司祿文昌敬序

道藏輯要

道德經解

二

心集一

七



正一天師清微弟子百堅製
道教學術資訊中心



太上道德經解序

嘗見世間暴棄者流其於邃深奧秘之言動云不求深解又曰吾以不解解之如此等輩譬甘坐於幽暗中而不求見天日之光者也然或自騁管見解其所解究非作者之所謂解豈遂許其能羽翼經傳也乎則甚矣至文之必需至解也恭惟

神寶天尊道德尊經凡五千言由漢唐以來上自公卿大夫下逮文人學士注者不一家而於尊經之本諦有牽扯內功離而去之者有拘文牽義泥而執之者有瑕瑜互見者有顯晦各半者皆不獲見全璧近日遊紫雲觀得見同班

八洞仙祖依至理以闡經按章逐句無字不晰無文不貫絕不

道藏輯要

道德經解

三

心集一
川川

作一奇異語而

太上當年作經之本義於是乎昭然若揭世人能本此注以體此經則以之爲己爲人順而祥愛而公矣以之爲天下國家亦何所處而不當哉如此者斯謂之正解斯謂之妙解亦斯謂之至解也自有至文以來其不可無是至解也夫

大羅班首同袍道弟蘇朗敬序

太上道德經解序

記有之作者之謂聖述者之謂明固也而吾謂作不足以詒千萬世法非聖也述不足以迪千萬世心非明也則甚矣作固難述尤難也惟我

神寶太上當周季出函谷關關尹知爲異人懇著道德經凡五千言分爲八十一篇或長言之或短咏之所爲正心誠意之功修齊治平之略罔弗備具非專爲黃冠者立論也第其後申韓之徒有竊其說而以刑名法術治世者其究流於刻薄寡恩後世病申韓因而病之嗟乎我

太上道德尊經昭如日月曾見有刻薄寡恩之說而著於篇帙

道藏輯要

道德經解

四

心集一
川文文

也哉是此經不顯於天下後世者述者之無人也雖由漢迄明注尊經者不無百家而或泥於經而注之或離於經而注之非牽強而扭合卽附和而雷同其於我

太上經論本旨絕少脗合則亦安賴是述乎我

八祖恐人心之終蒙將永晦

太上之至道一日偶集碧雲洞中相與合注經解注成漱口而捧讀之直如從幽暗中出忽見天清日朗茅塞頓除不鑿奇怪不涉隱僻就文解意無注非中而

太上當年著經之意於是乎昭揭此而尙不謂述者之明乎前有述者可弗論矣後有述者蔑以加矣是則不有

太上之作無以聞

八祖之述也抑不有

八祖之述又曷以闡

太上之作哉如

太上斯可以作亦惟如

八祖斯可以述也夫

玉樞右宰宏教真君柳守元敬序

道藏輯要

道德經解

五

心集一

正一天師清微弟子百堅製作
道教學術資訊網